



**JAMHURI YA MUUNGANO WA TANZANIA
BUNGE LA TANZANIA**

ORODHA YA SHUGHULI ZA LEO

MKUTANO WA ISHIRINI

KIKAO CHA ISHIRINI NA MBILI

2 JULAI, 2010



ORODHA YA SHUGHULI ZA LEO



MKUTANO WA ISHIRINI

KIKAO CHA ISHIRINI NA MBILI – TAREHE 2 JULAI, 2010

I. HATI ZA KUWASILISHA MEZANI:

WAZIRI WA MALIASILI NA UTALII:

Hotuba ya Bajeti ya Waziri wa Maliasili na Utalii
kwa Mwaka wa Fedha 2010/2011.

**MWENYEKITI WA KAMATI YA ARDHI, MALIASILI
NA MAZINGIRA:**

Taarifa ya Kamati ya Ardhi, Maliasili na Mazingira
kuhusu utekelezaji wa majukumu ya Wizara ya
Maliasili na Utalii kwa Mwaka wa Fedha 2009/2010
pamoja na maoni ya Kamati kuhusu Makadirio ya
Matumizi ya Wizara hiyo kwa Mwaka wa Fedha,
2010/2011.

**MSEMAJI MKUU WA KAMBI YA UPINZANI
KUHUSU WIZARA YA MALIASILI NA UTALII:**

Taarifa ya Msemaji Mkuu wa Kambi ya Upinzani
kuhusu Makadirio ya Matumizi ya Wizara ya
Maliasili na Utalii kwa Mwaka wa Fedha
2010/2011.

**WAZIRI WA JUMUIYA YA AFRIKA YA
MASHARIKI PAMOJA NA WAZIRI WA MAMBO
YA NJE NA USHIRIKIANO WA KIMATAIFA:**

Randama za Makadirio ya Matumizi ya Wizara ya Jumuiya ya Afrika ya Mashariki pamoja na Wizara ya Mambo ya Nje na Ushirikiano wa Kimataifa kwa Mwaka wa Fedha 2010/2011.

WAZIRI WA FEDHA NA UCHUMI:

Taarifa ya Mwaka na Hesabu zilizokaguliwa za Benki Kuu ya Tanzania kwa Mwaka 2008/2009 [*The Annual Report and Audited Accounts of the Bank of Tanzania for the Year 2008/2009*].

II. MASWALI:

OFISI YA WAZIRI MKUU:

155. MHESHIMIWA OSCAR RWEGASIRA MUKASA (BIHARAMURO):

Atamuuliza Mheshimiwa Waziri Mkuu:- Sheria Na.9 ya LGFA ya Mwaka 1998 inazitaka Kampuni za Biashara kutoa asilimia 0.3 ya mapato yake (baada ya kulipa kodi zote) kwenye Halmashauri

wanapofanyia shughuli zao, lakini zipo Kampuni ambazo zimekuwa hazitoi malipo hayo kwa sababu tu shughuli zao ziko kwenye miji mikubwa kama vile Mwanza, Dar es Salaam, na baadhi ya Kampuni za jinsi hiyo ni pamoja na **TIGO**, **ZAIN** na **VODACOM** ambazo zimeshindwa kulipa kiasi hicho kwa Halmashauri ya Wilaya ya Biharamulo:-

Je, Serikali iko tayari kufanya marekebisho haraka kwenye utaratibu uliopo sasa ili sheria hiyo iweze kutekelezwa kulingana na kusudio lake.

156. MHESHIMIWA DKT. IBRAHIM SAID MSABAHA (KIBAHA VIJINI):

Atamuuliza Mheshimiwa Waziri Mkuu:-

Je, Serikali ina mpango gani wa kuhakikisha kuwa ujenzi wa vituo vya afya katika kila Kata na zahanati katika kila kijiji unatekelezwa.

**OFISI YA RAIS, MENEJIMENTI YA UTUMISHI
WA UMMA:**

**157. MHESHIMIWA MUSSA AZZAN ZUNGU
(ILALA):**

Atamuuliza Mheshimiwa Waziri wa Nchi, Ofisi ya Rais, Menejimenti ya Utumishi wa Umma:- Baadhi ya sheria zilizotungwa na Bunge hili zinawanyima Mawaziri kutoa maamuzi katika Wizara na hivyo kusababisha mgongano baina yao na Makatibu Wakuu katika Wizara, jambo ambalo huchelewesha maendeleo na pindi linapotokea tatizo huwajibishwa Waziri na sio Katibu Mkuu:-

Je, Serikali haioni umuhimu wa kuzipitia sheria hizo zinazokwaza maendeleo.

OFISI YA MAKAMU WA RAIS:

**158. MHESHIMIWA HAFIDH ALI TAHIR
(DIMANI):**

Atamuuliza Mheshimiwa Waziri wa Nchi, Ofisi ya Makamu wa Rais:- Kwa Mujibu wa Hansard za Bunge la Jamhuri ya Muungano wa Tanzania mwaka 1968, Bunge liliridhia Mafuta ya Petroli kuwa ya

Muungano Kikatiba pindi yatakapogundulika katika ardhi ya Tanzania; na kwa kuwa, Baraza la Wawakilishi Zanzibar katika moja ya vikao vyake lilipitisha Muswada na kuutangazia umma juu ya kukubaliana mafuta ya Petroli kutokuwa ya Muungano pindi yatakapogundulika:-

- (a) Je, Serikali inatoa majibu gani ya ndio au hapana kwa jambo hilo kuwa la Muungano;
- (b) Je, Serikali inatoa tamko gani juu ya maneno makali na ya kashfa yaliyotumiwa na baadhi ya Viongozi wa Muungano wakati wa kupitisha Muswada huo ndani ya Baraza la Wawakilishi Zanzibar;
- (c) Je, nini kifanyike ili matakwa ya Wajumbe wa Baraza la Wawakilishi na wananchi wa Tanzania Zanzibar yaweze kufanikiwa.

WIZARA YA MALIASILI NA UTALII:

**159. MHESHIMIWA CYNTHIA HILDA NGOYE
(VITI MAALUM):**

Atamuuliza Mheshimiwa Waziri wa Maliasili na Utalii:- Hifadhi ya Taifa ya Kitulo inaunganishwa na mtandao wa safu za milima ya Livingstone ambayo inasambaa katika Wilaya za Rungwe, Kyela, Makete, Ludewa na Mbinga pamoja na Mlima Rungwe, ambayo maeneo hayajatangazwa ili kuvutia utalii wa kiikolojia unaovutia watu wengi wanaobahatika kutembelea maeneo hayo:-

Je, ni lini Serikali itaandaa programu maalum ya utalii wa safu za Milima ya Livingstone, Mlima Rungwe na Hifadhi ya Taifa ya Kitulo kwa pamoja.

160. MHESHIMIWA ALOYCE BENT KIMARO (VUNJO):

Atamuuliza Mheshimiwa Waziri wa Maliasili na Utalii:- Kwa kuwa, Bunge limepitisha Sheria ya Utalii, ambapo mojawapo ya kipengele cha Sheria hiyo kinasema kuwa kampuni yoyote

inayopandisha Watalii mlimani ni lazima imilikiwe na Watanzania kwa asilimia 100 na pia Waongozaji Watalii (Tour Guides) ni lazima wawe Watanzania:-

- (a) Je, kabla ya kuanzishwa kwa Sheria hiyo kulikuwa na makampuni mangapi ya kigeni yaliyokuwa yakifanya biashara hiyo;
- (b) Je, bado makapuni hayo yanafanya biashara hiyo;
- (c) Je, kanuni zinasemaje kuhusu malipo ya *Guides* na *Porters*.

WIZARA YA MAMBO YA NDANI YA NCHI:

161. MHESHIMIWA DIANA MKUMBO CHILOLO (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Tarafa ya

Shelui licha ya kuwa na Kata tatu, vijiji kumi na sita vyenye wakazi wengi na matukio mengi ya ujambazi na wizi wa mifugo ina kituo cha Polisi kimoja tu kilichoko Makao Makuu ya Mji mdogo wa Shelui, na Mkuu wa sasa wa kituo hicho ambacho ni kikubwa ana cheo cha ASP:-

Je, Serikali ina mkakati gani na kuongeza vitendea kazi hasa vyombo vya usafiri ili Polisi hao waweze kutekeleza majukumu yao ipasavyo.

**162. MHESHIMIWA RAJAB HAMAD JUMA
(TUMBATU):**

Atamuuliza Mheshimiwa Waziri wa Mambo ya Ndani ya Nchi:-

Kwa nini kikosi cha Ulinzi wa Majini (Police Marine) hakionekani kutoa huduma zake katika baadhi ya Mikoa ambayo imezungukwa na Bahari au Maziwa hata pale Viongozi wa nchi wanapotembelea maeneo hayo ya vivuko kama vile ziara zinazofanyika Kisiwa cha Tumbatu.

**WIZARA YA MAWASILIANO, SAYANSI NA
TEKNOLOJIA:**

**163. MHESHIMIWA LAUS OMAR MHINA
(KOROGWE VIJINI):**

Atamuuliza Mheshimiwa Waziri wa Mawasiliano, Sayansi na Teknolojia:- Mji

wa Bungu na vitongoji vyake una wakazi takribani 5000 na hauna huduma muhimu ya mawasiliano ya simu licha ya kuwepo ahadi ya muda mrefu ya kupatiwa huduma hiyo:-

- (a) Je, ni lini Kampuni za Simu zitajenga minara katika eneo hilo ili kuwapatia wananchi hao huduma hiyo muhimu;
- (b) Je, ni lini minara ya simu itajengwa katika eneo la Kizara kwa ajili ya kutoa huduma katika vijiji vya Kizara, Kwemkole, Bombo Majimoto pamoja na vitongoji vyake ili kutekeleza ahadi hiyo ya muda mrefu.

WIZARA YA MAENDELEO YA MIUNDOMBINU:

**164. MHESHIMIWA MKIWA ADAM KIMWANGA
(VITI MAALUM):**

Atamuuliza Mheshimiwa Waziri wa Maendeleo ya Miundombinu:- Serikali imeweka viwango vya ubora ambavyo wajenzi wa barabara na madaraja wanapaswa kuvizingatia wakati wa ujenzi ikiwa ni pamoja na kuandaa mipango mizuri ya hifadhi ya barabara zenyewe:-

Je, kama viwango hivyo vinazingatiwa ipasavyo, kwa nini basi barabara nyingi hapa nchini huharibika muda mfupi baada au hata kabla ya kujengwa na kufanya mawimbi na baadhi ya sehemu hufanya mashimo juu ya barabara ambayo yanahatarisha usalama wa watumiaji wa barabara hizo.

165. MHESHIMIWA BENSON MWAILUGULA MPESYA (MBEYA MJINI):

Atamuuliza Mheshimiwa Waziri wa Maendeleo ya Miundombinu:- Baadhi ya

wafanyakazi wa TAZARA hawajalipwa stahili zao kiasi cha shs. bilioni 60/= mpaka sasa:-

- (a) Je, Serikali inasema nini juu ya kulipa haki za wafanyakazi hao;
- (b) Je, Serikali imejiandaa kwa mikakati gani ya kuboresha maslahi ya wafanyakazi hao.

III. KAULI ZA MAWAZIRI:

WAZIRI WA NISHATI NA MADINI:

IV. HOJA ZA SERIKALI:

WAZIRI WA MALIASILI NA UTALII:

Kwamba, Bunge likubali kupitisha Makadirio ya Matumizi ya Wizara ya Maliasili na Utalii kwa Mwaka wa Fedha, 2010/2011.

**DODOMA
2 JULAI, 2010**

**DKT. T.D. KASHILILAH
KATIBU WA BUNGE**